

धीरज राख रे टाबरिया,  
तेरा कष्ट मिटास्यूं रे,  
धीरज राख रे,  
थोड़ो सो धीरज राख ले ना ॥

तर्ज धमाल ।

त्रेताजुग मं जनम लियो जद,  
राजा राम कुहायो हो,  
इक दिण अँस्यो बगत फिरयो तब,  
बन-बन मं भटकायो हो,  
पाछा जद मेरा दिन फिरग्या,  
राज वो पायो रे ॥

द्वापर जुग मं कृष्ण रूप धर,  
पाण्डव कुळ नै बचायो हो,  
उळटा सीधा खेल रचाकर,  
महाभारत रचवायो हो,  
अपणै बंश की सत् की खातिर,  
नाश करायो रे ॥

मेरी करणि मैं भी भोग्यो,  
टाबरिया थूं जाण ले,  
थूं तो बस एक प्राणी मात्र है,

या ई मन मं ठाण ले,  
करणी करी सो भोगणी पड़सी,  
मतो बतायो रे ॥

तिरलोकी रो नाथ कुहावूं,  
सारै जग पै राज मेरो,  
वक्त बडो बळवान है भाया,  
जै पै ना कोई जोर मेरो,  
फिर भी सैं नै धीर बंधावूं,  
जो है प्यारो रे ॥

चायै जितणो वक्त बुरो व्है,  
शिव इतणो मैं देवूं रे,  
श्याम बहादुर व्है चायै जैसो,  
भूखो ना रहने देवूं रे,  
घनश्याम गाडियो कवै यो सैं को,  
साथ निभायो रे ॥

धीरज राख रे टाबरिया,  
तेरा कष्ट मिटास्यूं रे,  
धीरज राख रे,  
थोड़ो सो धीरज राख ले ना ॥

Upload By Vivek Agarwal  
9038288815

Source:

<https://www.bharattemples.com/dheeraj-rakh-re-tabariya-tera-kasht-mitasyu-re/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>